

BASES ENTARA PARTICIPACION ENA V EXPOSICION COLLECTIVA
D'ARTISTES D'ARAN 2017 – DAVID BESO
SANT JOAN. ARTIES

Prumèra. Objècte e finalitat

Er objècte e era finalitat d'aguesta convocatòria ei contribuïr ara creacion artistica, fomentar er art e era cultura, e promòir e difóner era òbra des artistes aranesi que volguen hèr-la a conéisher mejançant era exposicion collectiva, sense interès lucretiu, que se poirà veir ena sala de Sant Joan d'Arties deth **1 de junhsèga ath 24 d'agost de 2017**.

Dusau. Tematica

Aguesta cincau edicion aurà coma tematica "Es paisatges ena taula".

Era "Xarxa de Museus d'Etnologia de Catalunya" dera que participe eth Musèu dera Val d'Aran a organizat era exposicion itineranta "Els paisatges a la taula" que des de març de 2016 enquia gèr de 2018 itinèrre per tot eth territòri catalan.

Era exposicion "Els paisatges a la taula" mòstre es diferenti paisatges dera nòsta gastronomia ath long deth temps, paisatges de montanha, de plana, de còsta... qu'a trauès des sòns cultius pròpis, o arribadi des entorns mès propèrs, an dat lòc a una codina tradicionau, ua manèra de codinar, de conservar, de comerciar, mès tanben ua faïçon de minjar e de relacion sociau e familiara.

Pendent er an 2017 eth Musèu dera Val d'Aran darà un pas endeuant entath coneishement dera nòsta gastronomia e de tot aquerò que s'i relacione, present, passat e futur, com pòt èster era origina des productes (cultius, pagesia, importacion...), es techniques d'elaboracion e conservacion, era faïçon de parar era taula (vaishèra, tovalhons...), er acte de minjar, eth comèrç... Eth musèu vò dar a conéisher a trauès d'un miralh dubèrt ath public era nòsta tradicion gastronomic, es sues influéncies, es sòns condicionants, mès non des deth sòn versant exstrictament culinari senon tanben des deth versant uman de relacion sociau e familiara, e tot açò sense descuedar era evolucion d'aguesta gastronomia e era sua innovacion.

Ei per aquest motiu qu'enguan es òbres presentadas entara mòstra s'auràn de relacionar damb aquesta tematica.

Tresau. Persones destinatàries

Es persones destinatàries son es artistes majors d'edat dera Val d'Aran (neishudi en Aran o qu'actuaument i demoren, en aquest darrèr cas calerà presentar eth certificat d'empadronament).

En totau poderàn exposar:

- 6 artistes d'òbres bidimensionaus (pintura, fotografia, diboish, tapís, gravat...). Ua d'aguestes places serà reservada ath format audiovisuau.

- 2 artistes d'òbres tridimensionaus (escultura, ceramica)

Quatau. Documentacion que cau presentar.

Entà participar ena convocatòria cau presentar eth modèl de sollicitud degudament ramplit, acompanyat de:

- Brèu curriculum der artista
- Fotocòpia deth DNI
- Relacion des òbres que se preten exposar (un maxim de sies, segontes eth sòn volum).

S'a d'includir era següenta informacion:

- Títol dera òbra
- An
- Tecnica
- Mesures
- Supòrt
- Brèu descripcion
- Fotografia des òbres

Cincau. Tèrme e lòc de presentacion dera documentacion.

Es persones interessades en participar en aguesta convocatòria an de presentar era sollicitud abans deth 15 de mai deth 2017 en Registre deth Conselh Generau d'Aran (Passeg dera Libertat, 16, 25530 VIELHA).

Era esmenda de defèctes des sollicituds o dera documentacion se harà damb requeriment per auança en un tèrme maxim de cinc dies obrants, a compdar de londeman de recèber era notificacion, damb era condicion que passat aquest tèrme sense que s'age presentat era documentacion demanada se considerarà qu'eth sollicitant desistís dera peticion.

Siesau. Procediment de seleccion.

Es sollicituds seràn sosmetudes a consideracion d'ua comission nomentada entad aquest efècte, formada per:

- Dus vocaus vinculats ath mon der art.
- Eth director/a deth Musèu dera Val d'Aran.
- Un secretari d'acta (personau deth Musèu dera Val d'Aran)

Abans d'eméter quaussevolh veredictes, eth jurat se resèrve eth dret de demanar ar artista que presente era òbra originau entà per'mor d'avalorar era peticion.

Setau. Veredictes e comunicacion.

Era comission harà ua seleccion segontes critèris de qualitat artistica, tecnica e originalitat dera òbra.

Eth veredictes dera comission serà inapellable e se darà a conéisher via telefòn, a cada un des guanhadors abans deth 31 de mai de 2017. Era acta se poderà consultar en taulèu d'anoncis deth Conselh Generau.

Era comission, coma ja s'a descrit ena basa dusau, seleccionarà un totau de 8 artistes entre es disciplines nomentades.

Uetau. Període d'exposicion, lòc e calendari definitiu

Es òbres se presentaràn en Sant Joan d'Arties deth 26 ath 27 de junh (de 10:00 a 15 ores). Eth montatge dera exposicion serà deth 26 a 28 de junh.

Eth període d'exposicion serà der 1 de junhsèga ath 24 d'agost de 2017.

Era organizacion e distribucion der espaci expositiu entà cada participant e eth nombre d'òbres tà exposar serà responsabilitat deth Musèu dera Val d'Aran.

Es artistes participants auràn de recuèlher es sues òbres en madeish espaci expositiu eth dia 28 d'agost de 10:00 a 15:00 h.

Nauau. Condicions

Er artista cedís ath Musèu dera Val d'Aran, Conselh Generau d'Aran, es drets d'exposicion, de reproduccion e distribucion des òbres que s'includiràn en materiau de difusion dera exposicion sonque entà publicar-lo, damb un tiratge de 4.000 exemplars, en un encastre d'explotacion mondiau, atau com era difusion des nomentades imatges a trauès deth hilat tà pr'amor de promòir era exposicion.

Era participacion en aguesta exposicion non includís cap de remuneracion, pagament o emolument de naturalesa pecuniària a favor des artistes seleccionadi.

Detzau

Era presentacion de sollicituds compòrte, per part dera persona peticionària, era acceptacion intègra d'aguestes Bases.

Onzau

Quaussevolh dobte d'interpretacion d'aguestes Bases serà sosmetut a consideracion deth Musèu dera Val d'Aran e, se s'escatz, damb er assessorament des servicis juridics deth Conselh Generau d'Aran.

Dotzau

Entà garantir era difusion e coneishement d'aguestes bases, aguestes seràn publicades ena plana web deth Conselh Generau d'Aran (www.aran.org) en taulon d'anoncis dera Corporacion, enes mejans de comunicacion escrita de difusion locau e en huelheton corresponent.

**SOLlicitUD DE PARTICIPACION ENA CINCAU EXPOSICION
COLLECTIVA D'ARTISTES D'ARAN 2017 – DAVID BESO
SANT JOAN. ARTIES.**

Eth Sr./Era Sra. _____, damb DNI/CIF num. _____, major
d'edat, damb demorança en carrèr _____, num. _____, pis _____, CP
_____ dera localitat de _____ damb eth/s telefòn/s
_____/_____ e corrèu electronic _____@_____ a efèctes de
notificacions, coneishudes es bases dera V Exposicion Collectiva d'Artistes d'Aran
2017- David Beso:

EXPAUSI:

1. Era voluntat de participar ena V Exposicion Collectiva d'Artistes d'Aran 2017
en Sant Joan d'Arties ena categoria d'òbres
.....
.....
2. Conéisher es bases que regissen era participacion ena V Exposicion Collectiva
d'Artistes d'Aran 2017 – David Beso, especiauments en çò que tanh as
condicions de participacion,
3. Eth compromís de someter-me as dites bases de participacion e complir-les,
4. Qu'adjunhi era documentacion de besonh entà sajar de formar part ena
exposicion, e en consequéncia,

DEMANI:

Era mia inclusion en procès de seleccion des artistes qu'an de participar ena V
Exposicion Collectiva d'Artistes d'Aran 2017 – David Beso en Sant Joan d'Arties.

_____, a __ de _____ de 2017